

يا شايب من الأحلام

يا شايب من الأحلام وشارب قهوتك سادة
وبتمختر ف أوجاعك وتتلذذ لبصتها
وراسم خطوتها بالماس على قلبك
ومش داري بأيامك
العمر أغلى منها وحلاقيها مش حاجة
ولو جتلك بتترجى
اتقل ماتخفش من حاجة
أنا ساكن ف ملكوتها وبلكونتي ملزوقة
فى حيطان العتمة على الكمنجات معزوفة
بتترجح كلمتها معاندة موج الفرح
لما اجي اكتبها بتترحلق من على السطر
ولما تصحى كلماتي بنور الفجر تتوضى

وتنزف دم على الورقة
وقلبها لسه بيتهجي
بيتهته بدقاته بيتمشي
على وتر البنين واقف
بيجرح وردة لو فاحت
بكفن الشعر بتتحنى
واكفن كلماتي وارمي
فى درج الذكريات
ولو مرة كمان صدفت
وفتحت فى الحكايات
باذكر اسمها فى شعري
وازين بيها أوزاني
بضحك على نفسي وانسى
ولامتى مش ناسي
لو فكرت تنهي حكايتنا

هادوس على وردھا الدافی

وحلمی اللی کان دبلة

ھارمیھا من ورا اکتافی